

A Tatalo e faaaogaina ai Salamo (Iakopo 5:13).

- ❖ E faamaonia le faaaogaina o Salamo o ni pese o viiga (1N/Tupu 16:9); ae le nao le pau lea o lona faaaogaina.
- ❖ O Salamo ta'itasi o se tatalo lea i le Atua e tatau ona faaaogaina e tusa ai o ni manaoga o le taimi: o le tagiaue; o le tuuina atu o le faafetai; O le ole atu mo se faamagaloga; o le saili atu i le faasinomaga faale-lagi; ia manatua le talafaasolopito; ia vivii atu; o le faaalia o le ita...
- ❖ E mafai faapefea ona tatou faaaogaina Salamo e fai ma tatalo?
 - Faitau le salamo ma tatalo
 - Ia maitau le auala o loo talanoa atu ai le fai-salamo i le Atua
 - Saili mafuaaga mo lana tatalo
 - Ia faatusatusa se tulaga ia te oe ma se mea na molimauina e le faisalamo
 - Mafaufau pe mafai faapefea i salamo ona fesoasoani e faailoa atu ou lagona i le Atua
 - Pe afai e i ai se mea i le salamo e lu'itaunia ai oe, ia e mafaufau i ai
 - Ia faatatau le salamo ia lesu ma Lana galuega o le faaolataga
 - Ole atu i le Atua ia tuuina atu Lana afioga i lou loto ma lou mafaufau

B Tatalo i taimi o faigata (Salamo 44).

- ❖ Poo e manatu e le'o tonu le Atua e ala i le faatagaina o oe e ui atu i tulaga faigata e le tatau ona aafia ai oe?
- ❖ Atonu e ioeina, pe leai. Ae, pe afai o lea, e mafai ona e faailoa atu i se tatalo, e tusa lava pe faalaaua'itele pe na'o oe foi?
- ❖ E le'i faatuai le faisalamo e faia faapea. Sa faoa tagata o Israaelu, sa ave faatagataotauaina ma fasiotia. Ma e leai se mea sa latou faia e tatau ai lea tulaga! Latou te le'i liliuese mai le Atua pe agasala foi ia te la (Salamo 44:9-19).
- ❖ E tatau ona tatou sa'oloto e faailoa o tatau lagona nutimomoia e tatalo atu ai i le Atua. Ia tatou tuuina atu le mea moni e faapei ona tatou ola ai. Ia tatou iloa e mafai ona la aveesea i tatou mai ni tulaga sili ona faigata (Salamo 44:1-8), e tusa lava pe tatou te le malamalama pe aisea Na te le faia ai i le taimi nei.
- ❖ Ae sili i mea uma, aua lava nei o tatau masalosalo, e tusa lava pe oi le ogatotonu o faafitauli ma faigata, e alofa ma alofa mutimutivale lava le Atua (Salamo 44:26).

C Tatalo i taimi o le atuatuvalo (Salamo 22).

- ❖ Va'aiga faale-mafaufau o loo tatalo lesu i upu o loo i le Salamo 22:1, a'o loo tautau lona tino i luga o le satauro (Salamo 22:14); ua tu'ia Ona lima ma Ona vae (Salamo 22:16); o loo siosiomia e le vao o tagata taufaamata'u (Salamo 22:7-8); o loo vaai fitafita o tufatufa i ona ofu (Salamo 22:18); galala i le fia inu, a'o faatalitali ma le atuatuvalo i le taimi o Lona maliu (Salamo 22:15); ...
- ❖ Atonu e lē pei ou tiga e faapei o tiga na oo ia lesu, ae mautinoa lava sa e lagonaina, faapei o la, sa atuatuvalo ma tiga i se taimi.
- ❖ I taimi faapea, o loo a'oa'o mai i a'i tatou i Salamo ina ia tatalo, vaai i tua atu o se tulaga o loo e i ai, ma ia vaai ma le-faatuatua i le toe fuata'ina o tatou olaga. Vaai ma le faatuatua i le taimi o le a tatou toe foi atu ai e vivii atu i le Atua i le olioli ma le fiafia (Salamo 22:25-26).
- ❖ I taimi o le atuatuvalo, e mafai ona tatou mautinoa ai o loo faafogaina i tatou e le Atua. E manatu mai o la i o tatou puapuaga ma silasila mai i a'i tatou, e ui ina tatou te le o va'ai atu ia te la (Salamo 22:24).

D Tatalo i le va o masalosaloga ma le faamoemoe (Salamo 13).

- ❖ Ua galo ea a'u i le Atua? O nisi taimi, tatou te ioeina lea manatu. Sa matuā manino le faamatalaina e le fai-salamo. Ae na ia laasia lava tua atu o masalosaloga ma faaalia mai i a'i tatou lona faamoemoe
 - Salamo 13:1-2 – Ua ia a'oa'ia le Atua mo Lona lē ano mai ia te ia: "O le a le umi?"
 - Salamo 13:3-4 – Na ia ole atu ia te la ina ia tali mai ia aua ne'i olioli mai ona fili
 - Salamo 13:5 – Ua ia faaalia lona talitonu atoatoa i le Atua, ma talitonu i Lana faaolataga
 - Salamo 13:6 – Mulimuli ane, ua ia usu pese o viiga
- ❖ Pe a masalosalo, e tatau ona tatou ole atu i le Agaga ia "faamalamalamaina o tatou mata," o lona uiga, ia fesoasoani i a'i tatou ia tafiesea o tatou masalosaloga (Salamo 13:3).

E Tatalo mo se toe fuata'ina (Salamo 60).

- ❖ O Salamo o auega – pe a ma le 60 – o tatalo o loo faaalia i taimi o tiga faale-tino, mafatiaga faale-mafaufau poo tiga faale-agaga (poo nei mea uma lava).
- ❖ Sa latou te fesoasoani i a'i tatou ina ia nofouta, o nei mafatiaga o se vaega lea o aafiaga o le amiontonu ma le amiolētonu.
- ❖ Sa latou te fesoasoani foi 'ia tatou malamalama o loo i le Atua le pule, ma o le a la laveaiina i tatou i se taimi talafeagai (Salamo 60:5).
- ❖ O o tatou mafatiaga e fesoasoani lea ina ia tatou agaalofa atu i a'i latou o loo mafatia, e faapei lava o le faisalamo o lē, na vaai atu i le lūlūina o le lalolagi, ua aioi atu i le Atua: "ia e fofōina ona gaugau, aua o loo lūlū ia" (Salamo 60:2).
- ❖ I luga o nei mea uma, o loo a'oa'o mai i tatou i lenei salamo ia talitonu atoatoa i le Atua (Salamo 60:11); la faaeaina o la i luma o le lalolagi (Salamo 60:4); ma ia avea ma mea faigaluega i Ona aao: "O le Atua lava e fai ai i matou ma toa" (Sal 60:12).